

آبونه نمراتلی : هر يري
ايچون سته لکي (۲۷۵)
آلتی آلتی (۱۵۰) غروشدن
لکجه سي ۵ غروشدن
سته لکي ۵۲ نستهدر
ادار. خانه
آفرده تاج الدين
درکاهی
اخطارات
آبونه بدلی پشیندر
مسلكه موافق آثار مع المتونیه
قبول اولنور. درج ایدله یی
پایزیر اعاده اولغاز

الرشاد

۱۳۳۰

ادرس تبدیلنده اریجه
یش غروش کوندرملیندر
مکتوبلرک امضاری واضح
واوقوناقلی اولسی وآبونه
صره نوسرونی محتوی
بولونسی لازمدر
ممالک اجنبیه ایچون آبونه
اولانلرک آدرس لربنک فرا
نیزجه یازلسی رجا اولنور
پاره کوندردلنکی زمان نه یه
داثر اولدی یی واضحاً بیلدر
لسی رجا اولنور

(دینی ، اجتماعی ، علمی ، ادبی ، هفتتاق مجموعه اسلامیهدر .)

والله یهدی من یشاء الی صراط مستقیم
باش مجرد
عمدا کف
صاحب ومدير مشول
اشرف ادیب
آبمون اهدکم سبیل الرشاد

عدد ۴۹۳ ۲۸ جاذی الاخر ۱۳۴۰ بازار ۲۶ شباط ۱۳۳۸ جلد ۱۹

سبیل الرشادک مسلمانلره خطابیه سی

دینیزه ، حیاتیزه قصد ایدن خان دشمنلره قارشى آناتولی
مسلمانلرینک بعونه تعالی کیریمش اولدینی مقدس مجاهدینی
کوشه نیک ایچون دشمنلرک هر درلو تسویلانه تشبث ایتمکدن کری
طورمایه جقلاری یک طیبیدر . نته کم صوک زمانلرده بو مقصدله
حقائق دینیادن ظافل بعض مسلمانلری ردد و فتوره دوشورمک
ایچون دین کسوه سی آلتده بر طاقم یالان یاکیش فکرلرک ، قیامتک
یاقینده قویه جغتندن باحث ورقه لرک لشر ایدلش اولدینی کورولمشدر .
مسلمانلری یأس و عطالته سوق ایچون ترتیب ایدیلدیکنده
هیچ شیه اولمغان بو قیلل تسویلات اسکیدن بری درلو درلو
شکلرده اجرا ایدیلوب طورمقدهدر . دین ووطن دشمنلری طرفندن
بر مقصد مخصوصله یاپیلان بو افسادانه آناتولی مسلمانلرینک
قایله جغنی طن ایدلر یک آدامش اولورلر .

زیرا مسلمانلر شونی یک اعلا بیلرلرک قیامتک نه زمان قویه جغنی
بیلیمک آنجیق الله مخصوصدر . جناب حق بو سر مکتومی هیچ
کیمسه به ، جتی پیغمبر ذیشانیه بیللریدر مه مشدر . بناء علیه بییک
اوچیوز شو قدر سنه سنده کولش مغربدن طوغه جق ، فلان سنه
قیامت قویه جق . . . کی مسوزلر قطعاً اسلامیتله قابل تالیف
دکدر . یونلری حضرت پیغمبره اسناد ایسه کفردن باشقه بر شی
اوله ماز . چونکه قیامتک زمان وقوعی صورانلره قارشى جواب

ویرمکدن جناب حق پیغمبرینی قطعی صورتده منع ایتمشدر . بو
خصوصده ، ولو که حضرت پیغمبره اسناد صورتیه اولسون ، هر نه
سویه نمش سه هپسی اویدورمهدر ؛ هیچ برینک اصل واساسی
یوقدر . قیامتک زمان وقوعی تعیین ایدن هیچ بر حدیشک حقیقه
علماء محققین منقده دکدرلر . زیرا بو ، لص صریح قرآنی به ،
احادیث صحیحه پیغمبری به مخالفدر .
بویله ایکن بعض صافدل مسلمانلرک حقائق دینییه قارشى اولان
غفلتلرندن استفاده ایتک خضیلله بر طاقم آداملر هیچ بر قیمت
شرعیه سی اولیان بو کی مسائی زمان زمان مع التأسف اورته یه آتوب
طوریبورلر . دینیزه ، حیاتیزه قصد ایدن دشمنلرده یوللری بر
واسطة نفاق ، بر آلت فساد اولهرق قوللایق خصوصنده هیچ بر
فرصتی فوت ایتبورلر .

افراد اسلامیه یی سی و عملدن آلیقویان ؛ عزیمتلیک ، فتوره
سوق ایدن ، ذلت و مسکته دوشورن ، اک فنا بر معیشت حیاتییه
راضی قیلان بو کی باطل تلفینلرک اسلام ایله نه مناسبتی واردر ؛
ایشته قرآن کریم میدانهدر ، احادیث صحیحه کوزمک اوکندهدر .
(اعراف) سوره جلیله سنده جناب حق بیوریبورکه : (یسئلونک
عن الساعة انما مرسیها . قل انما علمها عند ربی . لا یجیبا لوقتها الا هو .
تقلت فی السموات والارض . لا انائیکم الا بغته . یسئلونک کانک حنی

عنہا۔ قل انما علمہا عند اللہ ولکن اکثر الناس لا یعلمون = یا محمد ! سکا قیامتک نہ زمان قوپہ جغنی صور بیورلر ، اولرلر دی کہ : بونی بیلیمک آنحق اللہک ایشیدر . قیامتق وقتندہ ظهور ایتدیرہ جک آودر . کوکار ، لرلر او عظیم حادثہک آلتندہ ازیلر . و او ، سترہ آکسزین کلہ جکدر . کو یا سن قیامتک نہ زمان قوپہ جغنی تکرار تکرار صورہ رق بندن اوکر نمشسکدہ اولردہ اوکر نمک ایچون سکا اونی صوروب طور بیورلر . اولرلر دی کہ : بونی اللہدن باشقہ کیمسہ بیلمز . لکن انسانلرک چوغی بو حقیقتی بیلمیورلر .

(النازعات) سورة جليلة منده بومآلدہ بر آیت کریمہ واردر : (یسئلونک عن الساعة ایان مرسہا . فیم انت من ذکرہا . الی ربک منتہاها . انما انت منذر من یحشاها = یا محمد ! سندن قیامتک نہ زمان قوپہ جغنی صور بیورلر . بونی دوشونمکدن سکا نہ ؟ اونی بیلیمک آنحق تکر یککدر . سن یا لکمز اوندن قورقارلر تہلکہلری آکلانقلہ مأمور سین .)

ایشته بو آیات کریمہ قیامتک زمان کو نوعی ابدی بر سر اولدینقی ، اللہدن باشقہ هیچ کیمسہک بوسری بیلہ میہ جکئی ، بونی دوشونمکدن حضرت پیغمبرک بیلہ ممنوع اولدینقی یک واضح صور تده کوستریور . شو حالہ ناصل اولورده علیہ الصلوٰۃ والسلام افندیمز شدتلہ ممنوع اولدینقی برشیدن حیات سنہ لرندہ بحث ایتدیکی حالہ وفاتندن سوکرہ بونی شرعاً مسلمانلر حجت اولمایان (رؤیا) کئی برواسطہ ایلہ امنہ تبلیغ ایدر ؟ بو ، آچقندن آچیغہ حقایق قرآنیہ ، روح اسلامیتہ منافیدر .

آرتق مسلمانلر کوزلرینی آچسونلر ، حقایق قرآنیہ آکاہ اولسونلر . غیبی لاہدن باشقہ کیمسہک بیلیمسنہ امکان اولمادینقی ، قیامتک وقوعندن خبر ویرنلرک قرآن کریمہ ، سنت رسولہ مخالف فکردہ بولندقلرینی ایچہ بیلسونلر ، استقبالندن خبر آلتق ایستہ یئلر حقندہ علیہ الصلوٰۃ والسلام افندیمز اولرلر بزدن دکدر . بو یور بیور .

هم قیامتک قوپہ جغنی کونی دوشونمکدن مسلمانلر نہ ؟ یارین قیامت قوپہ جق بیلہ اولسہ امتی انسانلرہ نافع سی و عمل ایلہ مکلف طونان جناب پیغمبر دکلیدر ؟ بویلہ بر پیغمبرک امتی ناصیل اولور قرآنی ، حدیث صحیحی ترک ایدردہ شونک بونک شرعہ مغایر رؤیالرینہ ، هیچ بر قیمت شرعیہ سی اولمایان سوزلرینہ قایلیر ؟

ایشته بر طرفدہ کتاب اللہک احکامی ، حضرت پیغمبرک احادیث صحیحہ سی ، بر طرفدہ مغایر شریعت بویلہ دوزہ شیلر ! مسلمہ نلر هانکیمنہ ایستلریہ ایناسونلر . یالکمز شونی دہ بیلسینلرکہ قرآنی براقوبدہ اوکا مغایر شیلرہ اینانلر کفر دالمش اولورلر ، حقیقی مسلمانلر بویلہ شیلردن اللہہ صیغیدلر .

یارین قیامت قوپہ جق دیہ یأس وعطالتہ دوشه رک جہادی الدن راقان ، معصیتلری ، قنالقلری منع ایتہ یہ لزوم کورمہ یں مکتلرا ایچون فوز وفلاح یوقدر . نجات وسعادت آنحق مکرراتہ قارشق قویان معروف ایلہ امر

ایدن ، دین حقق محافظہ و مدافعہ ایچون اللہ یولندہ جہاد ایدنلرہ مخصوصدر ، دینہ ضعف کلدیکی ، انسانلر آراسندہ فساد و معصیت جو غالدینی زمانلر دینی حیالیلہ امتی صلاحہ سوق وارشاد ایچون اوغراشانلری علہ الصلوٰۃ والسلام افندیمز «فطوبی لہ ...» دیہ مزده لہ یور . اونک ایچوندرکہ بوتون مسلمانلرہ دوشن وظیفہ اسلامک عزت وشوکتی تأمین ایچون هر زماندن زیادہ مجاہدہ یہ صابر بقدر . «ربنا لاترغ قلوبنا بمدادہ دینا وهب لنا من لدنک من رحمة انک انت الوهاب .»

اشرف ادیب

اسلامده تشکیلات سیاسیہ

امت اسلامیہک الہ بویوک متفکرلرندن شهید مغفور سعید حلیم پاشای بیلیمین هیچ بر مسلمان یوقدر . بالخاصہ سبیل الرشاد قارئلری مشارالہک ساغات بدیعہ سی شوشیمہ لرده تعقیب ایتش اولدقلرندن کندیسی دہا یقینندن طانیلر . بناء علیہ او وزیر حکیمک مزایای فاضلہ سی حقندہ سوزہ ایریشمکدن ایسہ ماطدہ بر معتاد فرانسوزجہ اولدق یازدقلری الہ صوک واک ہم اثرلرینی ترجمہ ایلہ بر ان اول انظار امتہ عرض ایتہ یی دہا موافق کورویورز . امید ایدرکہ سوکیلی قارئلریمز شهید مشارالہک اولکی آثارینہ قارشق کوستر دکلری امان ودقی بونک حقندہ در یغ بو یورمایہ جقلردر . محمد عاکف

مقدمہ

اقوام اسلامیہک شو صوک کونلردہ آرتیق اواسکی مسکنتلرندن سیلکینہ لکدہ واجبی بویوندر یقینندن قورتولہ یہ کال عزم ایلہ چالیشمقدہ اولدقلرینی مشاهدہ ایتدیکہ یورہ کار مزده نامتاهی سو یج حسلرینک او یاندینقی کور بیورز . دیمک ، مسلمانلر نہایت آکلادیلرکہ : بر مسلمانک الہ قدسی وظیفہ سی حر اولمقدر و انسان ایچین ، حریتی اولمدقجہ ، نہ حقیقی سعادت ، نہ دہ حقیقی ترقی ممکن دکدر .

بونکله برابر شونی دہ اعتراف ایتلیمکہ : دینکی سوبجلمز نہ قر بویوک اولورسہ اولسون ، تمامیلہ صاف اولامایور . زیرا دینک طرفدن کور بیورزکہ : مسلمان منور صسنتنک عظیم بر اکثریتی مملکتلرینہ غیرہمکی ، مؤسسات سیاسیہک مکمل ، یا خود ناص شکلرینی کتیرمکدن باشقہ بر اشتیاق بساہ میورلر . ووطنک کرک اجتماعی ، کرک سیاسی تکاملی تحققی ایتدیرہ بیلیمک ایچین قهریک بو خصوصدہ کی ثلانیلرینی و مبدألرینی تطبیق ایتمکدن باشقہ بر چارہ بولونمایہ جغنی قناعتی ایلری سور بیورلر . زمانزدہ کی مسلمان منور لرینک بو حالت وجدانیلرینی یک الیمدر . زیرا کندیلرینک شو نقطہ یی لایقلہ دوشونمکدکلرینی کوستریورکہ : مسلمانلق بر طرفدن بزئ بر اللہ طاعقلہ مکلف طوتارکن ، او بر طرفدن اخلاقی اولدینقی قدر اجتماعی بر طاقم تلقیلرہ ، مبدأ (Principe) لرہ صاحب